

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)10

**SOALAN LISAN OLEH AHLI KAWASAN BATU UBAN
YB. KUMARESAN A/L ARAMUGAM**

10. Berikan jumlah penagih dan pengedar dadah yang ditahan di KADUN Batu Uban sepanjang tahun 2020 hingga kini berdasarkan komposisi kaum dan gender.
- (a) Nyatakan kawasan yang menjadi tumpuan aktiviti dadah di Pulau Pinang.
- (b) Apakah usaha Kerajaan Negeri dalam membanteras aktiviti ini?
- (c) Berikan jumlah pengedar dadah yang menunggu hukuman mati.

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

10. Berdasarkan rekod pihak Agensi Antidadah Kebangsaan (AADK) Pulau Pinang, jumlah penagih yg ditahan di KADUN Batu Uban daripada tahun 2020 sehingga April 2022 adalah sebanyak 34 kes.

Jumlah tangkapan berdasarkan jantina dan kaum adalah seperti berikut

:

Jantina	Jumlah
Lelaki	30
Perempuan	4

Komposisi Kaum	
Melayu	25
Cina	2
India	6
Lain-lain	1

Berdasarkan rekod pihak Polis Diraja Malaysia (PDRM), berikut dikemukakan statistik penagih dan pengedar dadah yang ditahan di KADUN Batu Uban sepanjang tahun 2020 hingga 2022 berdasarkan komposisi kaum dan gender:

TAHUN	MELAYU	CINA	INDIA	WARGA ASING	LELAKI	PEREMPUAN	JUMLAH
2020	38	1	2	0	35	6	41
2021	11	0	0	1	12	0	12
2022	6	0	1	0	5	2	7

- (a) Berdasarkan rekod AADK, kawasan yang menjadi tumpuan aktiviti dadah di Pulau Pinang, AADK telah mengenalpasti sebanyak tujuh (7) Kawasan Berisiko Tinggi (KBT) di Pulau Pinang melibatkan empat (4) daerah. Kawasan Berisiko Tinggi (KBT) yang dikesan ialah seperti berikut:

Daerah	Kawasan
Timur Laut	Mukim 13
Seberang Perai Tengah	Mukim 16, Mukim 19, Mukim 20 dan Mukim 21
Seberang Perai Utara	Mukim 1
Barat Daya	Mukim 12

Berdasarkan rekod pihak PDRM, terdapat lima (5) kawasan dikenalpasti sebagai kawasan yang menjadi tumpuan aktiviti dadah di Pulau Pinang seperti berikut:

Daerah	Kawasan
Timur Laut	Georgetown
Seberang Perai Tengah	Bukit Tengah
Seberang Perai Utara	Butterworth
Barat Daya	Bayan Lepas
Seberang Perai Selatan	Nibong Tebal

Berdasarkan rekod juga, tempat tumpuan penagihan ini berubah dari semasa ke semasa dan tempat (Mobile).

Data AADK yang dikeluarkan pada tahun 2021 mendapati bilangan penyalah guna & penagih dadah serta bahan di Negeri Pulau Pinang adalah sebanyak 8,185 orang. Pecahan mengikut kategori dadah adalah seperti berikut:

Jumlah Penyalah guna dan penagih mengikut tahun di Pulau Pinang adalah seperti berikut:

Tahun	Jumlah Kes
2019	8,987
2020	7,633
2021	8,185

- (i) Dadah jenis *Amphetamine-Type- Stimulant* (Methamphetamine crystalline & tablet, Ecstasy dan Amphetamine) sebanyak 4,121 kes atau 50.3%.
- (ii) Dadah jenis Opiat (Heroin, Morfin dan Candu) sebanyak 3,704 kes atau 45.3%.
- (iii) Dadah jenis Ganja (Marijuana) sebanyak 291 kes atau 3.6%.
- (iv) Dadah jenis lain-lain (Kratom, Depression, Dissociative, Hallucinogens & Inhalant) sebanyak 60 kes atau 0.7%.
- (v) Psikotropik (Erimin 5, Benzodiazepine & Psikotropik) sebanyak 9 kes atau 0.1%.

Pengukuran Dadah Terkawal 2025 mensasarkan kadar prevalens penyalah guna dan penagih dadah adalah bersamaan 400 orang per 100,000 penduduk. Kadar prevalens pada tahun 2021 bagi penyalah guna dan penagih dadah di Pulau Pinang adalah 461 orang per 100,000 penduduk. Nilai tersebut masih terkawal iaitu di bawah *Acceptable Range* bagi penagih dadah iaitu antara 400– 1,000 orang penagih dadah per 100,000 orang penduduk.

Setakat ini, berdasarkan data AADK jumlah penagih dadah atau Orang Kena Pengawasan (OKP) terkini yang sedang mengikuti Program Rawatan & Pemulihan Di Dalam komuniti di bawah seliaan Pihak AADK adalah sebanyak 2,925.

Jumlah Orang Kena Pengawasan (OKP) mengikut Daerah adalah:

Daerah	Jumlah OKP
Timur Laut	1,006
Barat Daya	388
Seberang perai Utara	409
Seberang Perai Tengah	745
Seberang Perai selatan	377

Jumlah semasa penagih dadah yang mengikuti Program Rawatan & Pemulihan Di Dalam Institusi yang ditempatkan di Pusat Pemulihan Penagihan Narkotik (PUSPEN) adalah sebanyak 497 kes. Iaitu sebanyak 365 kes di PUSPEN Kampung Selamat dan sebanyak 132 kes di PUSPEN Bukit Mertajam.

- (b) Pelbagai usaha telah dilaksanakan oleh pihak Kerajaan Negeri dan Agensi Antidadah Kebangsaan (AADK) Negeri Pulau Pinang untuk membanteras aktiviti ini termasuk pendekatan pemerksaan komuniti (*Community Empowerment*) bagi menangani masalah dadah.

Kerajaan Negeri telah bekerjasama dengan Agensi Antidadah Kebangsaan (AADK) Negeri Pulau Pinang dalam merancang pelbagai program berdasarkan Dasar Dadah Negara. Dasar Dadah Negara telah menetapkan Pendidikan Pencegahan Dadah sebagai teras utama untuk mewujudkan Negara Bebas Dadah dan ianya merupakan satu strategi bertujuan melindungi rakyat Malaysia daripada terjebak dalam tingkahlaku penyalahgunaan dadah di pelbagai peringkat komuniti sama ada keluarga, sekolah, majikan dan komuniti.

Program-program pendidikan pencegahan dan kesedaran awam sebagai penekanan utama dilaksanakan seawal mungkin dikalangan kanak-kanak, remaja, belia, dewasa dan warga tua sama ada di sekolah, institusi pengajian tinggi, tempat kerja, institusi kekeluargaan dan komuniti.

Dalam memperkasakan lagi usaha menangani permasalahan dadah di negeri ini, AADK telah mengenalpasti sebanyak 155 Kawasan Berisiko Tinggi (KBT) di seluruh negara. Di Pulau Pinang sebanyak 7 mukim melibatkan empat (4) daerah iaitu Daerah Timur Laut (Mukim 13), Daerah Seberang Perai Tengah (Mukim 16, 19, 20 & 21), Daerah Seberang Perai Utara (Mukim 1) dan Daerah Barat Daya (Mukim 12) telah dikenalpasti sebagai Kawasan Berisiko Tinggi.

Pihak Kerajaan Negeri dan AADK Negeri Pulau Pinang telah merangka **Strategi Penang Lawan Ancaman Dadah (PLAD)** yang telah dilaksana dan digunakan merangkumi program pencegahan, rawatan & pemulihan dan penguatkuasaan. Strategi yang dilaksanakan ialah:

- (i) **Penghijauan 7 Kawasan Berisiko Tinggi (KBT)** (mengikut Fasa, Berdasarkan 8 Segmen Program, berdasarkan 5 Indikator Penghijauan KBT).

Sebagai latar belakang, Mesyuarat MTMD Negeri Pulau Pinang 2019 telah meluluskan inisiatif bersepadu **Projek Rintis di Kawasan Mukim 21** dan Kerajaan Negeri telah memperuntukkan sebanyak RM66,000 untuk menggerakkan program di bawah projek ini. Selain itu, Mesyuarat MTMD Negeri Pulau Pinang 2021 telah meluluskan peruntukan sebanyak RM53,800 bagi pelaksanaan pelan **Tindakan komprehensif Penghijauan Penyalahgunaan Dadah dan Substans Kawasan Berisiko Tinggi (KBT) Mukim 1 Seberang Perai Utara**. Sejumlah 35 program telah dilaksanakan di bawah Program Penghijauan Kawasan Berisiko Tinggi (KBT) Penagihan Dadah 2021 Mukim 1 SPU dengan jumlah perbelanjaan RM53,000 dan 31 program di bawah Program Penghijauan Kawasan Berisiko Tinggi (KBT) Penagihan Dadah 2021 Mukim 21 SPT dengan jumlah perbelanjaan RM53,000. Perincian

program seperti di Lampiran ID 310(a) yang akan diletakkan di atas meja Yang Berhormat selepas sesi soalan lisan.

Berdasarkan Outcome Program Penghijauan 7 Kawasan Berisiko Tinggi (KBT) Penagihan Dadah Tahun 2021, didapati peratusan OKP kekal pulih **sebanyak 73.1% (26 orang dinilai dan 19 orang berjaya memenuhi kriteria)** dan memenuhi 6 kriteria yang telah ditetapkan di **Mukim 1**. Manakala di **Mukim 21**, didapati peratusan OKP kekal pulih **sebanyak 83.3% (12 orang dinilai dan 10 orang berjaya memenuhi kriteria)** dan memenuhi 6 kriteria yang telah ditetapkan. Lampiran ID310(b) menunjukkan carta-carta kadar penagih baru dikesan, kadar penagih berulang, peningkatan OKP komplan, OKP kekal pulih di Mukim 1 dan 21.

- (ii) **Cadangan Pewujudan Anjung Komuniti di Kawasan Berisiko Tinggi (KBT) Penagihan Dadah** telah dibentangkan dalam **Majlis Tindakan Membanteras Dadah (MTMD) Negeri Pulau Pinang Bil 1/2022** pada **18 April 2022**. Pewujudan Anjung Komuniti sebagai pendekatan di bawah inisiatif penghijauan KBT penagihan dadah dan mendekatkan agensi dengan komuniti bagi memastikan kehadiran dan perkhidmatan dapat dirasai dan konsisten. Lokasi Anjung Komuniti di 7 mukim melibatkan empat

(4) daerah iaitu:

Daerah	Kawasan
Timur Laut	Mukim 13
Seberang Perai Tengah	Mukim 16, Mukim 19, Mukim 20 dan Mukim 21
Seberang Perai Utara	Mukim 1
Barat Daya	Mukim 12

- (iii) Pengukuhan Program Pendidikan Pencegahan Dadah (*Youth Empowerment*: **Gerak SKUAD Antidadah**, Pelaksanaan Program Tempat Kerja Bebas Dadah melibatkan semua Agensi Negeri/ Persekutuan, Program Institusi Keluarga: **Program Keluarga Prihatin**, Program Institusi Pendidikan: **Projek Tawan Minda Benci DARVIH/ Program Generasi Pintar**, Program Gerak Kerja **Memperkasa Belia Tidak Berpersatuan Di Negeri Pulau Pinang**.

Jadual 1: Indikator Pelaksanaan Program di bawa Projek Tawan Minda Benci DARVIH

Program	Tarikh Pelaksanaan	Penglibatan Murid	Penglibatan Guru	Jumlah
Design Thinking	14 Februari 2022	Tiada melibatkan murid	60 orang	60 orang
Triple – T PPDa	19 Februari 2022	5000 orang	58 orang	5058 orang
Kuiz Interaktif PPDa	22 Februari 2022	17009 orang	Tiada melibatkan guru	17009 orang

Pertandingan Video Pendek Anti DARVIH	8 hingga 26 Februari 2022	75 penyertaan	Tiada melibatkan guru	75 penyertaan
Hand out Jati Diri Anti DARVIH Sekolah Rendah dan Sekolah Menengah	Sepanjang Bulan Februari	1000 orang murid	Tiada melibatkan guru	1000 murid
Ziarah Kasih PPDa	Sepanjang Bulan	25 orang	Tiada melibatkan	25 rang

- (iv) Mengekang penawaran dadah melalui kolaborasi dengan semua agensi penguatkuasaan berkaitan.
- (v) Program rawatan dan pemulihan penagihan dadah melalui penglibatan komuniti.

Bagi memastikan Strategi Penang Lawan Ancaman Dadah (PLAD) dicapai, Majlis Tindakan Membanteras Dadah yang dipengerusikan oleh YAB Ketua Menteri telah menjadi platform untuk penyelarasan pelaksanaan program antidadah peringkat negeri dan daerah yang melibatkan komitmen politik, usaha dan penglibatan semua agensi kerajaan yang berkaitan di peringkat Persekutuan, Negeri, Daerah, Badan-Badan Berkanun, serta Badan-Badan Bukan Kerajaan (NGO) dapat digemblengkan ke arah merealisasikan matlamat Penang Lawan

Ancaman Dadah. Melalui Majlis Tindakan Membanteras Dadah, Kerajaan Negeri telah meluluskan 5 program untuk dijalankan iaitu:

- (a) Fokus 5 Tahun: **Penghijauan Penyalahgunaan Dadah dan Substans Kawasan Berisiko Tinggi (KBT)** dengan bajet sebanyak RM318,000.00 dilaksanakan mulai tahun 2021 sehingga 2025 (5 tahun)
- (b) Fokus 5 Tahun: **Gerak Skuad ANTIDADAH Ke Arah Pemerkasaan Kesukarelaan Belia Negeri Pulau Pinang** dengan bajet sebanyak RM219,000.00 dilaksanakan mulai tahun 2021 sehingga 2025 (5 tahun)
- (c) Fokus 5 tahun: inisiatif pelaksanaan tempat kerja bebas dadah di Jabatan/ Agensi Kerajaan Negeri Pulau Pinang;
- (d) **Program Tawan Minda Benci DARVIH (Dadah, Arak, Rokok, Vape, Inhalan Dan HIV)** dengan bajet sebanyak RM30,000.00 dilaksanakan mulai tahun 2021 sehingga 2022; dan
- (e) **Gerak Kerja Memperkasa Belia Tidak Berpersatuan Di Negeri Pulau Pinang** dengan bajet sebanyak RM37,500.00 dilaksanakan mulai tahun 2021 sehingga 2022.

Secara keseluruhannya, program yang dijalankan pihak Kerajaan Negeri Pulau Pinang dengan kerjasama AADK Pulau Pinang adalah berfokus

untuk meningkatkan (*protective factor*) Faktor Pelindungan dan mengurangkan (*Risk Factor*) Faktor Risiko mengikut *Evident Based*. Program ini adalah bertujuan untuk melindungi, membuat intervensi awalan (*intervene*) dan menangguhkan atau menghentikan tingkahlaku penagihan (*to delay and to stop*) dalam kalangan kumpulan sasaran yang terlibat.

(c) Berdasarkan rekod Jabatan Penjara Malaysia Negeri Pulau Pinang, jumlah pengedar dadah yang menunggu hukuman mati adalah sebanyak 82 orang. Pecahan mengikut penjara adalah seperti berikut:

(i) Penjara Reman Pulau Pinang - 11 orang

(ii) Penjara Seberang Perai - 60 orang (lelaki) + 5 orang (wanita)
= 71 orang

LAMPIRAN A



PERBELANJAAN PELAKSANAAN PELAN TINDAKAN KOMPREENSIF PROGRAM PENGHIJAUAN KAWASAN BERISIKO TINGGI (KBT) PENAGIHAN DADAH TAHUN 2021 MUKIM 1 SPU

BIL	NAMA PROGRAM	JUMLAH PERUNTUKKAN	JUMLAH DI BELANJAKAN	BILANGAN PROGRAM
1	BENGKEL DESIGN THINKING (PELAN TINDAKAN)	RM 3,600.00	RM 3,600.00	1
2	ANJUNG KOMUNITI	RM 3,000.00	RM 3,000.00	1
3	PROGRAM SEGMENT KEPRIHATINAN & KHIDMAT MASYARAKAT KLIEN	RM 6,400.00	RM 6,400.00	5
4	PROGRAM KEROHANIAN	RM 5,000.00	RM 5,000.00	3
5	PROGRAM SEGMENT KESELAMATAN	RM 4,000.00	RM 4,000.00	3
6	PROGRAM SEGMENT KEBERSIHAN DAN INFRASTRUKTUR	RM 4,000.00	RM 4,000.00	2
7	PROGRAM SEGMENT KEKELUARGAAN	RM 6,000.00	RM 6,000.00	3
8	PROGRAM SEGMENT SUKAN DAN REKREASI	RM 6,000.00	RM 6,000.00	4
9	PROGRAM SEGMENT PENDIDIKAN	RM 12,000.00	RM 12,000.00	6
10	PROGRAM SEGMENT KEMAHIRAN DAN PEKERJAAN	RM 3,000.00	RM 3,000.00	3
JUMLAH KESELURUHAN		53,000.00	53,000.00	31

LAMPIRAN A



PERBELANJAAN PELAKSANAAN PELAN TINDAKAN KOMPREHENSIF PROGRAM PENGHIJAUAN KAWASAN BERISIKO TINGGI (KBT) PENAGIHAN DADAH TAHUN 2021 MUKIM 21 SPT



BIL	NAMA PROGRAM	JUMLAH PERUNTUKAN	JUMLAH DI BELANJAKAN	BILANGAN PROGRAM
1	PROGRAM SEMBANG SANTAI BERSAMA ORANG PENANTI	RM 14,330.10	RM 14,330.10	1
2	BENGKEL DESIGN THINKING (PELAN TINDAKAN)	RM 3,600.00	RM 3,600.00	1
3	PROGRAM SEGMENT KEPRIHATINAN & KHIDMAT MASYARAKAT KLIEN	RM 6,400.00	RM 6,400.00	6
4	PROGRAM KEROHANIAN	RM 3,000.00	RM 3,000.00	3
5	PROGRAM SEGMENT KESELAMATAN	RM 3,500.00	RM 3,500.00	4
6	PROGRAM SEGMENT KEBERSIHAN DAN INFRASTRUKTUR	RM 5,000.00	RM 5,000.00	2
7	PROGRAM SEGMENT KEKELUARGAAN	RM 6,000.00	RM 6,000.00	4
8	PROGRAM SEGMENT SUKAN DAN REKREASI	RM 5,500.00	RM 5,500.00	3
9	PROGRAM SEGMENT PENDIDIKAN KEMAHIRAN DAN PEKERJAAN	RM 18,669.90	RM 18,669.90	11
JUMLAH KESELURUHAN		53,000.00	53,000.00	35



INDIKATOR PENGHIJAUAN KBT

INDIKATOR	MERAH	KUNING
1. PENAGIH BAHARU (Definisi Penagih Baharu – tempoh penagihan 24 bulan ke bawah)	≥50%	11-49%
2. PENAGIH BERULANG (Definisi – merujuk kepada KES BERULANG yang dikesan terlibat semula dim penagihan dadah selepas tamat tempoh pengawasan AADK)	≥25%	16-24%
3. OKP KOMPLIAN	≤49%	50%-69%
4. OKP KEKAL PULIH	≤29%	30%-49%
5. TAHAP KESEDIAAN KOMUNITI (Menggunakan Soal Selidik Tahap Kesiediaan Komuniti)	TAHAP 1, 2, 3	TAHAP 4, 5, 6
		TAHAP 7, 8, 9

SETIAP WARNA MEWAKILI MARKAH BERIKUT :	PETUNJUK / STATUS KBT	SKOR
MERAH : 1		5 - 12
KUNING : 3		13 - 20
HIJAU : 5		21 - 25 TIADA MERAH






PENINGKATAN ORANG KENA PENGAWASAN (OKP) KOMPLIAN

KPI3


≥70% OKP TIDAK KOMPLIAN KEMBALI MENJALANI PROGRAM RAWATAN DAN PEMULIHAN



OKP KEKAL AL PULIH

KPI 4

≥50% OKP TIDAK KOMPLIAN KEMBALI MENJALANI PROGRAM RAWATAN DAN PEMULIHAN



Berdasarkan penilaian yang dilakukan, didapati peratusan OKP kekal pulih sebanyak 73.1% (26 orang dinilai dan 19 orang berjaya memenuhi kriteria) dan memenuhi 6 kriteria yang telah ditetapkan

Berdasarkan penilaian yang dilakukan, didapati peratusan OKP kekal pulih sebanyak 87.3% (32 orang dinilai dan 30 orang berjaya memenuhi kriteria) dan memenuhi 6 kriteria yang telah ditetapkan

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)11

**SOALAN LISAN OLEH AHLI KAWASAN PERMATANG BERANGAN
YB. NOR HAFIZAH BINTI OTHMAN**

11. Jumlah peruntukan tahunan MARRIS.

- (a) Berapakah peruntukan MARRIS yang diberikan oleh Kerajaan Persekutuan kepada Kerajaan Negeri setiap tahun?
- (b) Apakah mekanisme yang digunakan untuk mengagihkan peruntukan tersebut kepada PBT dan jabatan yang terlibat?
- (c) Nyatakan jumlah peruntukan MARRIS yang Kerajaan Negeri berikan kepada PBT dan jabatan terlibat setiap tahun.

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

11. Kerajaan Negeri menerima peruntukan MARRIS daripada Kerajaan Persekutuan setiap tahun. Peruntukan ini disalurkan secara bulanan kepada Kerajaan Negeri.

- (a) Peruntukan MARRIB yang diberikan oleh Kerajaan Persekutuan kepada Kerajaan Negeri pada tahun 2021 adalah berjumlah RM208,768,683.00. Bagi tahun 2022 pula, setakat

30 April 2022 Kerajaan Negeri telah menerima peruntukan MARRIS berjumlah RM75,353,610.00..

- (b) Mekanisme pengagihan peruntukan MARRIS adalah mengikut Garis Panduan Tatacara Pengurusan Pemberian Penyenggaraan Jalan Negeri 3.0. Semua jabatan dan Pihak Berkuasa Tempatan akan mengemukakan senarai projek penyenggaraan jalan negeri yang hendak dilaksanakan kepada Jabatan Kewangan Negeri (JKN) bagi tujuan penyaluran peruntukan pada awal tahun. Sekiranya terdapat keperluan tambahan projek, maka permohonan akan dikemukakan kepada JKN untuk tambahan peruntukan.
- (c) Jumlah peruntukan MARRIS yang disalurkan oleh Kerajaan Negeri kepada PBT dan jabatan yang terlibat termasuk jumlah *carry forward* dari tahun sebelumnya adalah seperti di **LAMPIRAN A**, yang akan diletakkan di atas meja Yang Berhormat selepas sesi Soalan Lisan.

LAMPIRAN A

BIL.	JABATAN / PIHAK BERKUASATEMPATAN (PBT)	JUMLAH PERUNTUKAN YANG DISALURKAN PADA TAHUN 2021 (RM)	JUMLAH PERUNTUKAN YANG DISALURKAN PADA TAHUN 2022 (sehingga 30 April 2022) (RM)
1.	Jabatan Kerja Raya (JKR) Negeri Pulau Pinang	6,233,665.09	2,960,000.00
2.	JKR Timur Laut	15,563,639.02	7,900,000.00
3.	JKR Barat Daya	10,980,143.91	6,580,000.00
4.	JKR Seberang Perai Utara	8,634,802.14	4,995,000.00
5.	JKR Seberang Perai Tengah	16,195,008.39	7,250,000.00
6.	JKR Seberang Perai Selatan	9,661,183.10	4,687,500.00
7.	Pejabat Daerah Dan Tanah Seberang Perai Tengah (PDTSPT)	2,714,967.61	1,050,000.00
8.	Pejabat Daerah Dan Tanah Seberang Perai Utara (PDTSPU)	947,853.30	2,790,597.00
9.	Pejabat Daerah Dan Tanah Seberang Perai Selatan (PDTSPS)	593,607.12	1,000,000.00
10.	Pejabat Daerah Dan Tanah Daerah Timur Laut (PDTDTL)	194,324.22	323,000.00
11.	Pejabat Daerah Dan Tanah Daerah Barat Daya (PDTDBD)	496,833.32	1,301,000.00
12.	Jabatan Pengairan dan Saliran Pulau Pinang (JPSPP)	8,606,244.53	11,750,000.00
13.	Majlis Bandaraya Pulau Pinang	40,239,657.09	10,000,000.00
14.	Majlis Bandaraya Seberang Perai	80,004,438.10	20,000,000.00
JUMLAH		201,066,366.94	82,587,097.00

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)12

**SOALAN LISAN OLEH AHLI KAWASAN PULAU BETONG
YB. HAJI MOHD TUAH BIN ISMAIL**

12. Apakah usaha-usaha Kerajaan Negeri untuk membawa perubahan kepada Buletin Mutiara (BM) yang menjadi antara instrumen mempromosikan dasar-dasar Kerajaan Negeri? Kita tidak mahu BM sekadar menjadi pembungkus nasi lemak. Inovasi baharu, infografik yang lebih menarik, reka bentuk futuristik, gaya penulisan yang informatif dan menarik adalah antara tindakan positif.

JAWAPAN OLEH Y.A.B. KETUA MENTERI

12. Antara usaha-usaha yang telah diambil bagi menjadikan Buletin Mutiara (BM) sebagai instrumen utama dalam mempromosikan dasar-dasar yang dibangunkan oleh Kerajaan Negeri adalah seperti berikut:

- (a) Memastikan kandungan penerbitan yang sahih dan selaras dengan keperluan semasa;

- (b) Pemaparan maklumat dalam bentuk infografik bagi memberikan penerangan yang jelas dan mudah kepada rakyat Pulau Pinang;
- (c) Mempelbagaikan kandungan pemberitaan, wawancara dan lain-lain berkait yang menyentuh isu-isu semasa dan komuniti setempat;
- (d) Menyediakan ruang hebahan kepada jabatan dan agensi Kerajaan Negeri untuk pemakluman mengenai dasar serta program yang dilaksanakan;
- (e) Mempelbagaikan penerbitan video dan penerbitan dengan kandungan menarik dan menyentuh isu semasa;
- (f) Mempelbagaikan peraduan-peraduan dan *posting-posting* dengan bahan paparan menarik dan berkait dengan isu semasa

Dalam pada itu, Buletin Mutiara juga dapat diakses secara maya pada setiap masa melalui laman web dan media sosial selaras

dengan era pendigitalan kini. Malah, bagi memperhebatkan sebaran dan saluran maklumat Buletin Mutiara yang merupakan media rasmi Kerajaan Negeri, kerjasama semua agensi, jabatan, orang-persorangan dan Ahli-ahli Yang Berhormat untuk bersama-sama berkongsi paparan serta memperkasakan edarannya di kawasan seliaan masing-masing adalah amatlah diperlukan serta dihargai.

**MESYUARAT PERTAMA PENGKAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)13

**SOALAN LISAN OLEH AHLI KAWASAN PENGKALAN KOTA
YB. GOOI ZI SEN**

13. Isu penyewaan unit RMM Jenis A dan B.
- (a) Apakah status terkini khususnya berhubung dengan isu perundangan bagi mengatasi masalah penyewaan unit RMM Jenis A dan B?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

13. Kerajaan Negeri kerap kali menggesa Kerajaan Persekutuan agar aspek perundangan diteliti, dipinda atau diwujudkan bagi menangani masalah penyewaan unit kediaman kos rendah dan kos sederhana rendah kepada pihak ketiga.
- (a) Kerajaan Negeri pada 22 Februari 2017 telah mengemukakan Usul Bersama yang ditandatangani oleh YAB Ketua Menteri Pulau Pinang dan Ketua Pembangkang Dewan Undangan Negeri kepada Kerajaan Persekutuan berkaitan keperluan pindaan atau pewujudan akta berkaitan. Usul tersebut menggesa agar aspek perundangan diteliti, dipinda atau

diwujudkan. Pada masa ini, tiada sebarang klausa di bawah Akta Pemajuan Perumahan (Kawalan dan Pelesenan) [Akta 118] atau mana-mana peruntukan undang-undang yang mensyaratkan unit kediaman termasuk kos rendah dan sederhana rendah perlu dihuni oleh pemilik. Ini bagi memastikan rumah-rumah bersubsidi ini dapat dimiliki dan dihuni oleh kumpulan yang benar-benar layak. Sehubungan dengan itu, tindakan penguatkuasaan tidak dapat diambil ke atas pemilik yang menyewakan unit kediaman mereka kepada pihak ketiga sama ada dari kalangan warganegara atau pekerja asing. Cadangan telah dikemukakan supaya Jadual G dan H dokumen piawai perjanjian jual-beli di dalam Akta 118 dipinda bagi menghalang pemilik daripada menyewakan unit kediaman mereka.

Syarat penyediaan RMM A dan B adalah berdasarkan Dasar Pembinaan Rumah Kos Rendah dan Kos Sederhana Rendah yang kemudian diagihkan kepada pemohon mengikut kuota kaum berdasarkan Dasar Pengagihan Kuota Pemilihan Rumah Mampu Milik Pulau Pinang. Kedua-dua dasar ini melindungi kepentingan rakyat Pulau Pinang khususnya

golongan B40 yang secara jelasnya tidak merujuk kepada warga asing.

Sebagai Langkah proaktif, Kerajaan Negeri telah mensyaratkan keperluan pemohon untuk menandatangani Aku Janji di dalam Borang PN1 Permohonan 1 Unit Rumah Mampu Milik Kerajaan Negeri untuk mendiami unit tersebut.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)14

**SOALAN LISAN OLEH AHLI KAWASAN TELOK AYER TAWAR
YB. DATO' MUSTAFA KAMAL BIN AHMAD**

14. Apakah langkah-langkah Kerajaan Negeri Pulau Pinang untuk membantu bagi memastikan hasil tanaman padi di Negeri Pulau Pinang dapat ditingkatkan dengan lebih tinggi lagi? Nyatakan langkah-langkah tersebut.

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

14. Pada 17 Mei 2022 saya bersama Menteri Pertanian dan Industri Makanan (MAFI) Datuk Seri Dr Ronald Kiandee telah bersama 5 syarikat yang menyertai Program Smart Sawah Berskala Besar (SMART SBB). 5 syarikat tersebut adalah :

BIL	SYARIKAT PROGRAM SMART SBB
1	Koperasi Kerjaya Permatang Nibong Pulau Pinang Berhad
2	Koperasi Jalan Sempadan Nibong Tebal Berhad
3	Koperasi Kelompok Padi Jalan Baru Nibong Tebal Berhad
4	Kilang Beras Siong Heng Sdn Bhd

BIL	SYARIKAT PROGRAM SMART SBB
5	OBL Maju Sdn Bhd

Program SMART SBB ini terbukti berhasil meningkatkan pendapatan dan purata hasil padi sehektar selain mengurangkan kebergantungan kepada orang tengah. Sebagai contoh, program SMART SBB yang dilaksanakan di Sekinchan, Selangor melibatkan kawasan seluas 100 hektar telah meningkatkan purata hasil padi daripada 2.5 tan metrik sehektar kepada 8 hingga 10 tan metrik sehektar bagi musim 2/2021 dan musim 1/2022. Manakala, di Batang Lupar, Sarawak telah merekodkan peningkatan hasil pendapatan daripada 50 peratus sehingga 100 peratus yang memberi manfaat 245 orang pesawah yang terlibat dengan program ini. Program SMART SBB di Pulau Pinang akan dilaksanakan di bawah seliaan Kawasan Pembangunan Pertanian Bersepadu (IADA) Pulau Pinang melibatkan kawasan seluas 942 hektar dan 420 orang peserta yang juga merupakan Ahli Koperasi dan Ahli Pertubuhan Peladang Kawasan (PPK). Saya yakin kolaborasi strategik antara MAFI bersama Koperasi dan Syarikat-Syarikat Peneraju akan menjadi titik permulaan kepada perubahan landskap industri padi dan beras tempatan di Pulau Pinang. Seterusnya,

membantu Kerajaan mencapai sasaran 75% Tahap Sara Diri (SSL) negara menjelang tahun 2025 dan Rancangan Malaysia Kedua Belas (RMKe-12).

Antara langkah-langkah yang dilaksanakan oleh Kerajaan Negeri melalui Jabatan Pertanian (DOA) Pulau Pinang bagi memastikan hasil tanaman padi di Negeri Pulau Pinang dapat ditingkatkan adalah seperti berikut:

- (a) Program Pembangunan Khidmat Pengembangan Tekno Pertanian merupakan program utama yang mewakili perkhidmatan teras Jabatan Pertanian Negeri. Tujuan program ini dijalankan ialah untuk memberi pendedahan berkenaan teknologi pertanian terkini selain meningkatkan kemahiran dan pengetahuan berkaitan projek pertanian. Berikut ialah perincian program untuk tahun 2022:

- i. Pakej Latihan dan Hands-on Petani dan Usahawan IAT

Pakej Latihan dan Hands-on Petani dan Usahawan IAT dijalankan di peringkat Negeri dan Daerah. Sasaran di peringkat Negeri masing-masing 9 latihan untuk kursus

berkaitan tanaman, yang meliputi subjek tanaman cendawan, penternakan kelulut, fertigasi dan pertanian bandar, manakala 4 latihan lagi berkaitan pemprosesan makanan. Kesemua latihan akan dianjurkan secara bersiri di Pusat Latihan Pertanian Cherok Tok Kun. Latihan di peringkat Negeri terbuka kepada petani dan orang awam yang berminat untuk menceburi bidang pertanian. Permohonan boleh dibuat melalui Sistem eKursus Tani.

Latihan juga diadakan di peringkat daerah melibatkan penganjuran sebanyak 120 latihan untuk sepanjang tahun 2022. Kaedah pelaksanaan latihan adalah secara bersiri dalam kumpulan kecil tidak melebihi 15-20 peserta. Kaedah pelaksanaan latihan di peringkat lapangan mengambilkira jenis tanaman, kalendar tanaman, dan teknologi yang ingin diperkenalkan kepada golongan sasaran. Sebagai contoh latihan dan *hands-on* kawalan tikus pada tanaman padi, kaedah pelaksanaan ialah secara gotong-royong bersama para pesawah, selain latihan secara teori.

ii. Program Webinar – Sesi Libat Urus dan Penilaian Teknologi Pertanian

Pada tahun 2022, selaras dengan amalan norma baharu, pihak Jabatan Pertanian Negeri juga merancang melaksanakan lima (5) sesi untuk program webinar libat urus dan penilaian teknologi pertanian dengan kerjasama pihak Malaysian Technology Development Corporation (MTDC) sebagai penyedia kemudahan webinar.

iii. Kit Pengembangan Pertanian (Agricultural Extension Kit)

Hari Bertemu Pelanggan merupakan program bertujuan untuk berinteraksi dengan pelanggan dan agensi yang bekerjasama dengan pihak Jabatan, selain itu, program tersebut juga sebagai platform untuk membuat hebahan berkenaan perkhidmatan yang ditawarkan oleh pihak Jabatan Pertanian. Amalan norma baharu telah mengehadkan aktiviti perhimpunan dalam kumpulan besar, oleh itu, kaedah pelaksanaan Hari Bertemu

Pelanggan juga disesuaikan dengan keadaan semasa. Justeru itu, pihak Jabatan Pertanian bercadang menyediakan Kit Pengembangan Pertanian kepada para pelanggan yang hadir Pejabat Pertanian Daerah dan Ibu Pejabat Pertanian untuk mendapatkan khidmat nasihat.

(b) Program Pembangunan Industri Tanaman Padi

Program Pembangunan Tanaman Padi merupakan salah satu langkah Kerajaan Negeri memastikan kelestarian industri padi di negeri ini. Objektif utama pelaksanaan projek ini adalah bagi memastikan hasil pengeluaran beras mencukupi dan selamat dimakan. Butiran perincian program yang akan dijalankan adalah seperti berikut:

i. Program Sawah Gemilang

Program Sawah Gemilang dilaksanakan saban tahun dengan sasaran pelaksanaan program di kawasan seluas 50 hektar kawasan sawah padi di setiap daerah. Tujuan program ialah untuk mencapai sekurang-

kurangnya 7 tan per hektar hasil pengeluaran setiap musim. Kaedah melaksanakan program ini adalah melalui insentif baja tambahan kepada para pesawah. Umum mengetahui para pesawah menerima bantuan baja subsidi daripada pihak MAFI pada setiap musim penanaman, manakala baja tambahan ditampung oleh para petani sendiri. Bagi membantu meningkatkan hasil pengeluaran dan memastikan masa pembajaan tepat seperti mana yang disyorkan dalam *Rice Check* (Manual Tanaman Padi), pihak Jabatan Pertanian Negeri melaksanakan inisiatif bagi membantu golongan pesawah dengan memberi insentif baja tambahan. Untuk pengetahuan, benih padi yang diberi kepada petani di Pulau Pinang sekarang ini adalah kualiti terbaik.

ii. Program Kawalan Penyakit dan Perosak Tanaman Padi

Pengurusan perosak dan penyakit dijalankan pada semua jenis tanaman termasuk tanaman padi bagi mengurangkan serangan yang boleh menjejaskan hasil pengeluaran. Untuk makluman, tahap serangan

dipengaruhi oleh amalan kultura, lokasi dan faktor cuaca. Pendekatan melalui Integrated Pest Management (IPM) atau Pengurusan Perosak Bersepadu merupakan amalan pertanian baik yang disyorkan bagi pengurusan perosak, manakala penggunaan racun kimia merupakan pilihan terakhir setelah mengambilkira serangan tersebut telah melebihi Tahap Ambang Ekonomi atau Economic Threshold Level (ETL). Tahap serangan perosak atau penyakit dinilai melalui aktiviti tinjauan atau *surveillance* oleh pihak Bahagian Biosekuriti Tumbuhan (BBT) di 211 titik pengawasan (*point surveillance*) di seluruh negeri ini. Melalui tinjauan tersebut, ETL serangan perosak dan penyakit dapat ditentukan dan seterusnya kaedah kawalan boleh dilaksanakan di lapangan sama ada melalui kaedah IPM atau melalui penggunaan racun kimia sepenuhnya. Sekiranya nilai kerugian tanaman melebihi kos kawalan, penggunaan racun kimia disyorkan bagi mengelakkan penurunan hasil pengeluaran.

Sehubungan itu, bagi tujuan kawalan perosak, penyakit dan rumpai, Program Kawalan Penyakit dan Perosak Tanaman Padi telah dirancang. Penggunaan racun kimia bermula di peringkat penyediaan tanah bagi memusnahkan rumpai jenis saka dan pra-cambah sehingga kepada 18-20 HLT. Antara jenis penyakit dan perosak yang sering menyerang tanaman padi ialah bena perang (*Nilaparvata lugens*), ulat batang (*Scirpophaga incertulas*, *Sesamia inferens*, *Chilo suppressalis*, *Chilo polychrysus*, *Tryporyza sp*), ulat lipat daun (*Cnaphalocrocis medinalis*), ulat layar (*Nymphula depunctalis*), hawar seludang (*Rhizoctonia solani*), siput gondang emas (*Pomacea spp*), tikus dan dan karah (*Pyricularia oryzae*). Melalui program ini, para pesawah dibekalkan dengan racun kimia yang berdaftar mengikut jenis penyakit, perosak dan rumpai yang perlu dikawal. Pembekalan jenis racun kimia ini dibuat setelah mengambil kira trend serangan penyakit dan perosak bagi musim penanaman sebelum ini, selain daripada faktor cuaca.

iii. Program Sanitasi Jentera Ladang

Manakala amalan kultura dan sanitasi pula dapat mengawal penyakit seperti Hawar Bulir Bakteria (BPB) (*Burkholderia glumae*) dan Hawar Daun Bakteria (BLB) (*Xanthomonas oryzae*). Walaupun serangan penyakit ini telah berkurangan, amalan sanitasi jentera ladang disyorkan bagi langkah pencegahan penyakit merebak dari petak sawah ke petak yang lain. Bagi tujuan ini, Jabatan Pertanian Negeri menyediakan bantuan di bawah Program Sanitasi Jentera kepada Kelompok Padi yang memerlukan perkhidmatan sanitasi jentera ladang. Program ini adalah pendekatan dalam program pengembangan pertanian agar para pesawah menitikberatkan kebersihan dalam amalan kultura di lapangan.

iv. Kerja Peluasan Pasel Padi, Naik Taraf dan Baik Pulih Infrastruktur Ladang (Dalam Petak Sawah)

Kerja-kerja untuk peluasan pasel padi merupakan insentif yang diberikan bagi tujuan menambah keluasan

bertanam kawasan padi, manakala untuk kerja infrastruktur ladang merujuk kepada kerja membaiki pulih parit buang dalam petak sawah dan tapak jentera padi serta lintasan. Untuk makluman, dari tahun 2020 sehingga tahun 2021, Jabatan Pertanian Negeri telah membaiki pulih sebanyak 14,267 meter parit buang di dalam petak sawah padi. Tapak jentera digunakan bagi tujuan aktiviti penuaian dan dianggarkan sebanyak 2,000 tapak jentera terdapat di sekitar kawasan sawah di Pulau Pinang. Tapak-tapak ini perlu dibaikpulih dan dinaiktaraf supaya dapat digunakan pada musim yang seterusnya.

v. *Model Farm Alternate Wetting and Drying (AWD)*

Pengurusan air bagi tujuan pengairan dan saliran sangat penting bagi menjamin bekalan air mencukupi mengikut keperluan tanaman, menggalakkan pertumbuhan pokok yang subur, meningkatkan kecekapan pengambilan baja dan untuk kawalan perosak, memudahkan operasi mekanisasi ladang khasnya peringkat penyediaan tanah serta bagi

mengelakkan pembaziran. Saban tahun masalah bekalan air pertanian menjadi isu yang sukar diatasi memandangkan Negeri Pulau Pinang bergantung kepada sumber bekalan air dari negeri-negeri berhampiran.

Kerajaan Negeri akan menyusun semula pengairan padi dan sudah membina 34 telaga tiub (*tube well*) di daerah Seberang Perai Utara. Jabatan Pengairan dan Saliran Pulau Pinang juga sudah membina 2 *deep tube well* untuk menyusun semula pengairan padi.

Dalam Mesyuarat MMK pada 18 Mei 2022, Exco Alam Sekitar dan Kebajikan Phee Bon Poh memaklumkan bahawa pihak Chief Minister Incorporated (CMI) telah mengemukakan permohonan pemberimilikan ke 4 tapak kuari di Penanti. Pihak CMI akan memanggil *request for proposal* (RFP) bagi kerja-kerja rehabilitasi apabila urusan pemberimilikan tapak selesai. Ia dijadikan takungan air negara (*national water reservoir*) untuk pengairan pertanian dan akan juga menyelesaikan masalah banjir. Kerajaan Negeri mempunyai

perancangan untuk mengalirkan air dari Sungai Kulim ke kuari bagi mengelakkan banjir terutamanya ketika musim tengkujuh. Dalam masa yang sama, takungan tersebut akan digunakan untuk disalurkan kepada tanaman ketika musim kemarau.

Antara kaedah untuk mendapatkan sumber air alternatif adalah melalui pembinaan telaga tiub di kawasan sawah, begitu juga penggunaan varieti padi aerob. Bagi tujuan yang sama, pihak Jabatan Pertanian Negeri merancang untuk menggunakan kaedah pengairan *Alternate Wetting and Drying* (AWD) di petak-petak sawah terpilih melalui pendekatan *model farm*. Pada tahun 2022, sebanyak 4 lokasi akan dikenalpasti bagi melaksanakan kaedah AWD. Kaedah AWD merupakan kaedah pengairan sawah berselang seli berdasarkan paras air yang diperhatikan melalui tiub AWD. Kaedah ini diperkenalkan oleh *International Rice Research Institute* (IRRI) bagi tujuan penjimatan air tanpa mengurangkan hasil pengeluaran. Amalan semasa kaedah pengairan yang digunakan ialah *Continuously Flooded* (CF), di mana petak sawah sentiasa berair

sehingga fasa pengisian buah. Sejumlah peruntukan akan disalurkan ke lokasi *model farm* terpilih dan pengumpulan data akan dibantu oleh pihak Bahagian Pembangunan Industri Tanaman (BPIT) bagi melihat keberkesanan kaedah ini.

vi. Insentif Amalan Pertanian Baik (myGAP)

Manakala untuk insentif myGAP, pihak Jabatan Pertanian Negeri sangat menggalakkan semua pesawah untuk mempersijilkan ladang masing-masing di bawah skim ini. Bagi tujuan tersebut, insentif permulaan sebanyak RM500.00 dalam bentuk input pertanian akan diberikan kepada mana-mana pesawah yang mendaftar untuk pensijilan ini. Setelah mendapat pensijilan, pihak MAFI akan menyalurkan insentif sehingga RM10,000.00 kepada pesawah yang berjaya mempersijilkan sawah mereka.

- (c) Pembelian penuai gabungan mini (*mini combine harvester*) dan penggunaan teknologi terkini dalam penanaman padi.

Sejak 2020, Kerajaan Negeri telah membeli 5 unit dron berharga RM70,000 setiap satu. Pada tahun ini, kerajaan negeri akan membeli satu lagi dron dengan model terbaru untuk digunakan di tanaman sawah di sekitar Pulau Pinang.

Dron tersebut sangat berkesan untuk sembur baja dan racun, menjimatkan masa dan kos dengan bayaran RM60 per 0.4 hektar (1 ekar) dalam tempoh 6 minit.

Kerajaan Negeri melalui Jabatan Pertanian Negeri telah membeli 1 penuai gabungan mini yang diimport dari China dengan harga RM140,000 per unit manakala IADA mempunyai 3 unit mesin tersebut.

Kerajaan Negeri melalui Jabatan Pertanian Negeri dalam perancangan untuk membeli lebih banyak mesin penuai gabungan mini ini untuk diagihkan kepada koperasi dan kelompok padi yang aktif.

Dengan penggunaan mesin ini, petani tidak akan mengalami kerugian yang besar. Penggunaan mesin ini hanya

mencatatkan kerugian sebanyak 3 sehingga 5 peratus berbanding 20 sehingga 30 peratus sekarang ini.

- (d) Pembayaran kepada pembekal perkhidmatan untuk menuai padi berdasarkan keluasan dan bukan berat.

Sehingga sekarang, petani sawah di Pulau Pinang membayar khidmat tuai padi berdasarkan keluasan (hektar) yang menyebabkan kerugian 20 sehingga 30 peratus bersamaan 200 hingga 300 kilogram per hektar menggunakan jentera ladang konvensional sekiranya pemandu tidak berhati-hati.

Kerajaan Negeri bersama Jabatan Pertanian Negeri telah berbincang untuk para petani sawah supaya mula membayar khidmat tuai padi berdasarkan berat (tan) berbanding keluasan berbanding bagi mengelakkan kerugian.

Untuk masa akan datang, kerajaan negeri mempunyai perancangan untuk mengagihkan mesin penuai gabungan mini ini untuk diagihkan kepada koperasi dan kelompok padi yang aktif kerana penggunaan mesin ini hanya mencatatkan kerugian sebanyak 3 sehingga 5 peratus berbanding penggunaan mesin tuai konvensional

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA: 5(A)15

**SOALAN LISAN OLEH AHLI KAWASAN SERI DELIMA
YB. SYERLEENA BINTI ABDUL RASHID**

15. Adakah Kerajaan Negeri Pulau Pinang berhasrat untuk menaik taraf KOMTAR supaya ia lebih mesra OKU dan warga emas?
- (a) Ramai yang mengadu tempat letak kereta berada di kawasan yang tidak mempunyai "ramp" atau lif bagi golongan OKU / Warga Emas, apakah perancangan kerajaan untuk memudahkan golongan yang terkesan?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI.**

15. Kerajaan Negeri prihatin dan sentiasa mengambilkira pandangan semua pihak termasuk ADUN kawasan untuk menangani keadaan beberapa keperluan tambahan terhadap infrastruktur dan kemudahan Orang Kurang Upaya (OKU) dan warga emas di kawasan KOMTAR demi keperluan dan kebaikan rakyat.
- (a) Kerajaan Negeri melalui Jawatankuasa Kumpulan Tindakan Aksesibiliti Pulau Pinang - *Penang Accessibility Action Group* (PAAG) menyokong penuh perancangan untuk menaiktaraf

kemudahan aksesibiliti di KOMTAR bagi golongan OKU dan warga emas. Selaras dengan keperluan aksesibiliti di KOMTAR, pihak Perbadanan Pembangunan Pulau Pinang (PDC) Setia Urus Sdn. Bhd. telah melaksanakan kerja-kerja menaiktaraf kemudahan infrastruktur termasuk penyediaan *ramp* dan tandas OKU bagi keselesaan golongan OKU dan warga emas. Pihak PDC juga dalam perancangan menyediakan kemudahan aksesibiliti lain seperti menaiktaraf kemudahan tempat letak kereta berdekatan *ramp* atau lif di lokasi strategik pada masa hadapan.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)16

**SOALAN LISAN OLEH AHLI KAWASAN BERTAM
YB. KHALIQ MEHTAB BIN MOHD ISHAQ**

16. Beberapa laporan terhadap kilang sejuk beku di kawasan Jalan Tiga Kepala Batas telah dilaporkan kepada Pihak Berkuasa Tempatan (MBSP), mengapa sehingga kini tindakan masih belum dibuat? Laporan dibuat oleh penduduk kerana kegiatan kilang memberi masalah kepada penduduk sekeliling dan kehadiran lori kontena melalui jalan kampung membahayakan dan merosakkan jalan.

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

16. Majlis Bandaraya Seberang Perai (MBSP) telah mengeluarkan notis kacau ganggu pada 13 Mac 2020 kepada pemilik premis. Lanjutan daripada itu, tindakan mahkamah telah dikenakan ke atas pemilik premis atas kesalahan kacau ganggu. Pemilik premis telah disabitkan dengan kesalahan dan didenda sebanyak RM1,300.00 pada 6 September 2021.

Selain itu, pada 8 September 2021, pihak MBSP telah mengeluarkan satu surat tunjuk sebab pembatalan lesen premis perniagaan dan memberikan tempoh tujuh (7) hari kepada pemilik premis tersebut

mengemukakan sebab. Walau bagaimanapun, pemilik premis tersebut gagal berbuat demikian dan lesen telah dibatalkan pada 6 Januari 2022.

Pihak MBSP telah mengeluarkan notis menghentikan perniagaan pada 17 Disember 2021 kepada pemilik premis memandangkan premis masih beroperasi berdasarkan pemantauan yang dilakukan oleh MBSP. Sehubungan itu, pihak MBSP akan membuat tindakan pendakwaan untuk kali kedua kepada pemilik premis tersebut. MBSP kini sedang dalam proses penyediaan dokumen undang-undang bagi tindakan penguatkuasaan.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)17

**SOALAN LISAN OLEH AHLI KAWASAN PENAGA
YB. MOHD YUSNI BIN MAT PIAH**

17. Penduduk sekitar Teluk Kumbar membantah pembinaan asrama pekerja asing di sana.
- (a) Nyatakan tempat lokasi projek ini dan jumlah pekerja asing yang akan ditempatkan.
 - (b) Kegagalan kerajaan ingin meneruskan projek ini dalam keadaan infra jalan raya utama tidak dinaik taraf, tiada jaminan keselamatan, kesihatan dan sosial budaya terganggu. Mohon penjelasan.

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

17. Akta Standard Minimum Perumahan dan Kemudahan Pekerja (Akta 446) (Pindaan) 2019 menyatakan bahawa kawasan perumahan boleh dijadikan sebagai asrama pekerja tetapi perlu mematuhi syarat-syarat teknikal. Walau bagaimanapun, Kerajaan Negeri tegas tidak membenarkan sebarang penginapan pekerja di kawasan kos rendah (LC), kos sederhana rendah (LMC) dan kampung. Kerajaan Negeri telah meluluskan beberapa projek penginapan asrama

pekerja bagi menangani masalah banjir pekerja asing di kawasan Perumahan.

Pusat penginapan asrama pekerja adalah satu penyelesaian jangka panjang bagi isu pekerja asing yang tinggal di kawasan perumahan bersama-sama dengan penduduk tempatan di Negeri Pulau Pinang. Kerajaan Negeri telah menerima banyak bantahan mengenai isu banjir warga asing di kawasan perumahan terutama di kawasan Bayan Lepas dan Teluk Kumbar. Justeru, pembangunan pusat penginapan asrama pekerja tersebut adalah satu perancangan yang menyeluruh, selamat dan teratur yang akan memberi manfaat kepada penduduk tempatan dan pekerja.

Kerajaan Negeri berpandangan pembinaan asrama pekerja adalah satu penyelesaian jangka panjang bagi mengatasi masalah banjir pekerja asing yang menjadikan flat-flat, rumah-rumah kampung dan perumahan awam seperti perumahan kos rendah dan perumahan kos sederhana rendah sebagai kediaman. Pendirian Kerajaan Negeri mengenai pembangunan asrama pekerja bagi warga asing adalah untuk membantu rakyat negeri ini secara holistik.

- (a) Senarai lokasi dan jumlah pekerja asing di kawasan sekitar Teluk Kumbar adalah seperti berikut:

Bil.	Lokasi	Jumlah Penghuni
1.	Lot 797, Jalan Permatang Damar Laut, Mukim 12, Batu Maung, Daerah Barat Daya, Pulau Pinang	2,900 penghuni
2.	Lot 1435 dan 1437, Mukim 9, Teluk Kumbar, Daerah Barat Daya, Lorong Gertak Sanggul, Pulau Pinang	25,000 penghuni
3.	Lot 1859, 1860 dan 1865, Tingkat Teluk Kumbar, Mukim 9, Daerah Barat Daya, Pulau Pinang	7,680 penghuni
Jumlah		35,580 penghuni

- (b) Pendirian Kerajaan Negeri Pulau Pinang mengenai pembangunan asrama bagi warga asing adalah untuk membantu rakyat negeri ini secara holistik. Permohonan Pelan Kebenaran Merancang bagi mana-mana cadangan pembinaan asrama pekerja yang diterima oleh Pihak Berkuasa Tempatan akan dipertimbangkan berdasarkan pematuhan kehendak-kehendak yang dinyatakan dalam Garis Panduan

Perancangan Penginapan Pekerja 2021. Selain itu, kelulusan projek ini adalah tertakluk kepada syarat-syarat teknikal termasuklah pematuhan kepada Kajian Impak Trafik (TIA), Laporan Impak Sosial (SIA) dan sebagainya. Penyediaan bangunan asrama pekerja berpusat ini juga dapat menjamin keselamatan dan kesejahteraan penduduk sekitar.

**MESYUARAT PERTAMA PENGGAL KELIMA
DEWAN UNDANGAN NEGERI PULAU PINANG
YANG KEEMPAT BELAS
27 MEI 2022**

PERKARA : 5(A)18

**SOALAN LISAN OLEH AHLI KAWASAN SUNGAI DUA
YB. DATO' MUHAMAD YUSOFF BIN MOHD NOOR**

18. Berapa peratuskah keperluan air di Pulau Pinang yang diambil dari Sungai Muda?
- (a) Apakah kesan yang akan berlaku jika Kerajaan Negeri Kedah melaksanakan projek takungan air pinggiran sungai?
 - (b) Apakah kesan kepada ekonomi Pulau Pinang jika berlaku krisis air?

**YB. ZAIRIL KHIR JOHARI
MENJAWAB BAGI PIHAK Y.A.B. KETUA MENTERI**

18. Perbadanan Bekalan Air Pulau Pinang Sdn. Bhd. (PBAPP) mengabstrak lebih 80% air mentah yang diperlukannya setiap hari untuk menghasilkan air terawat dari Sungai Muda.
- (a) Kesan akibat pelaksanaan Projek Takungan Air Pinggiran Sungai di Sungai Muda masih belum diketahui. Sekiranya projek tersebut memberi kesan buruk kepada Negeri Pulau Pinang, maka Kerajaan Negeri akan bertindak segera untuk menghentikannya serta-merta. Di Malaysia, terdapat undang-

undang negeri dan persekutuan. Sebarang projek baharu di Sungai Muda Kedah dan di hulu muka sawk Lahar Tiang Pulau Pinang mesti mematuhi undang-undang yang berkaitan. Projek sedemikian tidak boleh memberikan kesan buruk atau menjejaskan perkhidmatan bekalan air kepada 1.78 juta penduduk di Pulau Pinang. Secara ringkasnya, Negeri Kedah tidak boleh menjalankan projek yang melibatkan Ulu Muda yang belum dipersetujui oleh Kerajaan Persekutuan.

Antara pilihan untuk memberhentikan pelaksanaan projek yang merugikan ini adalah termasuk:

- (i) Mengemukakan bantahan rasmi kepada Kerajaan Persekutuan;
- (ii) Mengusulkan bantahan untuk dibahaskan di Parlimen; dan/atau
- (iii) Mengambil tindakan undang-undang untuk mendapatkan injunksi di mahkamah.

Kerajaan Negeri Pulau Pinang akan terus melindungi kepentingan Pulau Pinang berkenaan dengan jaminan bekalan air. PBAPP akan berusaha untuk melaksanakan lebih banyak projek strategik di bawah "Inisiatif Bekalan Air Pulau Pinang 2050" (PWSI 2050) untuk

mengurangkan risiko kemungkinan berlakunya musibah di Sungai Muda yang boleh mempengaruhi perkhidmatan bekalan air di Pulau Pinang pada masa akan datang.

- (b) Sekiranya bekalan air dari Sungai Muda terganggu, maka perkhidmatan bekalan air untuk 1.78 juta penduduk Negeri Pulau Pinang akan terjejas. Krisis bekalan air di Pulau Pinang juga akan menyebabkan kerugian besar kepada semua perniagaan yang kini menyumbang sebanyak RM94.7 bilion kepada Keluaran Dalam Negara Kasar (KDNK) negara pada tahun 2019.